



53374

kat.komp.


I

Mag. St. Dr.

P

tophoris: Quæstio logica ter-
ceram generis et differentiae universa-
lium complectens.

Biblioteka Jagiellońska



stdr0002419

Q V Æ S T I O L O G I C A,

Tesseram Generis & Differentiæ Vni-
uersalium Complectens,

Permissu

*Magnifici, Perillustri, & Admodum
Reuerendi Domini Domini*

M. LAVRENTII KARYNSKI,
I. V. D. Eccl. Cathedr. & Coll: SS. Om-
nium Canonici, Crac. Studii Generalis
R E C T O R I S.

A

M. CHRISTOPHORO STELLANOWIC

Vladislauiano Rhetoricæ Professore.

Publice

Ad Disputandum in Lectorio DD. Theologorum
Proposita.

Anno Domini, 1653. Mense Apr. Die 5. Hora 12.

In Stemma Conuentus Wachocensis.



533745

Mirum alitem spectas quid? nil mirabile monstrat

Quam quod pars aquilæ, parsq; leonis ei.

Altera monstrat iter Cæli & Cælestia regna

Altera contra hostes fortia corda tenet.

Iam non sit mirus: nam quæ miranda recenset

Cernis; suntq; viris pectora docta simul.

His sancti quondam Benedicti claruit Ordo:

Credite at alma cohors hæc Wachocensis habet.

*Joannes Microß Eloquentia
Auditor.*



AMPLISSIMIS, VENERABILIBVS,
ET
Adm. RR. PP.
Conuentus Wachocensis,
S. & F.

BEne de aliquo mereri, siue humanitatis, siue officij gratiâ, non modò laude, sed sempiterna memoria dignum est Amp. & Adm. RR. PP. Et si enim non incertum est, quosdam reperiri adeò ratione destitutos, ut subito accepta obliuiscantur humanitatis; tamen impium, cui omnino alterius gratia ingrata sit, inueniri posse vix credibile est. Nam si grati animi significatio, quam referimus cuiuspiam acceptam, maxima laude decoratur; certè non est dubitandum, ingratham mentem, non nisi reprehensione compensari: Quæ, cum de Vestris in me propensionibus cogitarem, confestim subiit animum meum, qui Vestros singulares sibi proponens fauores, acceptos referre identidem gestiebat. Itaq; primam nactus occasionem, apertam animi & gratæ propensionis tesseram, priuatim à me tersam, publice verò expolitam, cum picturis, Vobis Adm. RR. PP. constitui offerendam. Enimuero quid in tam exigua tesserula depingam? Non est equidem difficile quicquam depingere, cum non desint Vestra præclara, & quasi

quasi viue virtutum imagines. Si enim illas in hoc Religioso statu, ad Deum Immortalem, noctu diuq^{ue} fusas Orationes commemoro. Primæ & pulcherrima illæ imagines sunt. Si humilitatis, obedientiæ, castitatis exercitia, quæ perfectissima mihi visa sunt, respicio. Et hæc imagines sunt. Si mirabilem concordiam, veluti suauem harmoniam, quam æquè inter priuatos atq^{ue} vicinos conseruatis, intueor. Imagines sunt. Si deniq^{ue} humanitatem Vestram erga hospites, quam & ego ignotus, non exiguo tempore sum expertus amplissimam & singularem, mihi ante oculos pono. Hæc tanta est claritate, ut omnium prorsus vicerit delineationes. Sed cum depictæ imagines pulcherrimæ sint, Tua Admodum Reuerende Pater Prior Samuel Ziembinski, quæ mihi clarissima exiit, meritò est mihi suspicienda. Qui me incognitū & peregrinum, sub durissimum grassantis pestilentia tempus promptè suscepisti, susceptum omni humanitatis officio tractasti, tractatum erudito colloquio, & admirabili ingenij præstantiâ recreasti, recreatum usq^{ue} hodie maximis beneficijs prosecutus es. Quare non immeritò hæc imagines, virtutibus quasi quibusdam picturis collucentes, meæ umbratili velitationi Logicæ infero, & Vestro Ordini dedicos ut nimirum ab illis possit illustrari. Suscipite igitur PP. Adm. RR. hoc exiguum, sed clarum obseruantia argumentum, in quo non termini, sed principij rationem putetis esse constitutam.

Vestro Amplissimo Ord: additissimus
M. Christophorus Stellanowic.

Q V Æ S T I O

V. Præter Genus Physicum, detur Genus Logicum, quod prædicatur de pluribus specie differentibus in Quid, Hocq; à Materia; Differentia verò, quâ res inter se specificè distinguuntur, à Forma desumatur nec ne?

C O N C L U S I O I.

Præter Genus Physicum datur etiam Genus Logicum.

C O R O L L A R I A.

I. *Et si Logica sit ministra omnium scientiarum, eiusq; notiones ac modi sciendi, suas rationes ubiq; retineant: Priuata nihilominus scientiæ, pro ratione rerum, easdem intentiones Logicas, diuersimodè rebus applicant.*

II. *Et verò licet possint esse aliqua eadem Genere Logico & Physico, hoc tamen perpetuum non est: Nam possunt esse aliqua eadem Genere Logico, non Physico.*

III. Hinc Aristoteles docens Corruptibile & Incorruptibile differre plusquam Genere, non de Logico sed Physico locutus est.

IV. Atq; ut Genus Physicum datur ante omnem operationem intellectus; ita Logicum nonnisi per opus mentis nostræ; non Intellectus Increati, aut Creati Angelici.

V. Intentio Generis Logici, respicit species differentes, quas continet potentia, unitatem habens ad vniuersalitatem requisitam a parte rei, non autem actu.

C O N C L U S I O II.

Genus Logicum est, quod prædicatur de pluribus specie differentibus in Quid.

C O R O L L A R I A.

I. Etsi prædicta definitio Generis non sit Essentialis sed Descriptiua, potest tamen etiam essentialis formari.

II. Prædicari actu de multis &c. non est proprium generi sed aptitudinaliter.

III. Prædicatio in quid ut determinabile, explicat modum & rationem formalem prædicationis Generis ut Genus est.

IV. In definitione Generis sumitur pro Genere natura, seu res substrata.

V. At definitum est ipsa notio secunda in concreto, connotans subiectum, tanquam id in quo exercetur.

CON.

CONCLUSIO III.

Genus vt totum potentiale desumitur à Materia.

COROLLARIA.

I. Ratio Generica non desumitur proximè à sola materia, quæ est pars Physica; sed ab eo quod est potentiale.

II. Materia non est ipsum Genus, sed radix illius.

III. Hoc Genus nequit saluari in vna Specie.

IV. Nec de Specie vnquam prædicatur vt pars.

V. Non solum autem dictum potentiale respectu rationis communis contrahibilis per differentiam, quæ in illa non continetur actu sed potentiâ, verum etiam respectu compositionis Metaphysicæ.

CONCLUSIO IV.

Differentia quâ res specificè distinguuntur, desumitur ab actu & forma.

COROLLARIA.

I. Sicut Genus dicitur sumi à materia Analogicè; ita & differentia à forma.

II. In substantijs separatis ab eodem principio desumitur distinctio numerica & specifica.

III. Op.

III. Oppositum erit principium distinctionis numerica
in materialibus, nimirum materia signata quantitate, cum
hac sit distinctio materialis.

IV. At Accidentia cum sint defectibilia & Entis
Entia, vel ab effectis suis formalibus, vel à proprijs
subiectis.

V. Facere differre, non est idem, quod diuersum esse.



CRACOVIAE.

In Officina Viduae & Hered. Francisci Casarij S. R. M. Typogr.



1111. 5. 22.

ica
um

ris
ijs

